

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. XIX. De Sententiâ & de Re Judicatâ.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

culpa in Cap. 33. de Offic. Judicis, quod benè expōnit à GONZALE. Longe plura dicenda essent circa Apostolos, sive Litteras Dīmissorias, aut veniam appellandi, quo tempore, & quomodo dandi sint, Officia Judicis circa eos, tempus ad appellandum, aut inchoandam, vel finiendam Appellationis persecutionem, p̄st̄itutum. Hęc à GONZALE exponuntur in C. 5. de Appell. Id etiam nos executi sumus in REGULIS circa Judicia; proindē superfluum eset hunc laborem h̄c resumere.

Cap. XIX. de Sententiā & de Re judicata.

Autor jam locutus est de Sententiā sub finem Cap. XVII. sed tantum ratione Judicis propter aliquot circumstantias: cetera post appellationem reūcit. Cū sint Sententiae circa Appellationem & Res judicatae, à quibus appellare non licet, idcirco quod ultimum prolatum Judicium irrevocabile, & irreformabile sit; fortassis, ob hanc rationem, Autor disputationem de appellatione, disputationi de Sententia praeuixit, quod sufficit ad tuendam, hujus Tituli transpositionem, contrā exemplum Collectorum D̄cretalium, etiam Pontificum. Caput hoc, quamvis prolixum, divisione caret; habetque REGULAM unicam, cum Exceptionibus XXXII. quæ multis Replicationibus, Triplicationibus &c. luci valde nocentibus stipantur. Regula fert, Sententiam aut Rein judicatam dare Actionem & Exceptionem, remque judicatam pro veritate haberi. Pleraque Exceptiones versantur circa varias species vitiiorum, quæ Sententiam nullam faciunt; quarum alia sunt in Judge, cui defunt requisita dotes, quarum mentionem Autor fecit Cap. 11. h̄ius Lib. quasque hic resumit; vel qui potestatem suam excedit, noscendo de Rebus aut Personis, in quas Jurisdictionem non habet; vel qui judicat eo tempore, quo potestas ipsius expiravit, aut per appellationem, vel evocationem suspenditur.

Alia sunt in probationibus, quæ falsa sunt, eo quod nitantur v. g. super Instrumentis falsis, aut falsis Testibus: alia sunt in Processu, in quo Judicarius ordo, vel solemnitates substantiales neglectæ fuere: Alia, in verbis Sententiæ, quæ damnant & absolvunt: Alia petuntur ex neglecto Regularium fundamentaliū, quibus Sententia conguere debet; nempe Legum & Canonum: Alia ex parte materiae Sententiæ cadentis in Res minimè controversas: Alia ex parte Actoris, cui plura conceduntur, quām petierit, vel Rei, qui inauditus damnatur: Alia ex parte conditionum Sententiæ, quibus non fit satis; vel ex tempore, quo lata fuit nempe nocturno, Cap. 24. de Off. Jud. Deleg. & GONZAL. ibid. Hęc autem Exceptiones complectuntur Causis, in quibus Sententia effectu caret: Reliquæ pertinent ad causas, in quibus ille suspenditur per appellationem expressam aut tacitam, & eos, in quibus auxilium Principis invocatur, vel ad restitutionem in integrum, vel ad revisionem Causæ, vel ad annihilationem Judicii per supremam ipsius autoritatem: II; quibus horum remediorum usum vis eripit, recuperatā libertate audiuntur, perinde ac si illa adhibuerint.

His Observationibus generalibus præmissis, in quibus h̄ius Capitis summam dedimus, ordinemque legitimū instituimus; observandum est in Exceptione I. à Judicis incompetentiā quæstam, per Judicem incompetētū intelligi eum, ad cuius Tribunal negotium litigiosum non pertinet; non verò eum, qui aliqua dotium requisitarum caret; sive quia male provisus est, sive quia defectus habet, quibus ligatur, atque à judicandi Officio aretur. Autor secundo sensu illum accipit, ut patet ex Replicatione secunda, nempe, si Index publicè pro Judge competenti habeatur; fieri quippè nequit in primo casu, ut Judge incompetens, vulgo pro competente habeatur, cū lites, quæ aliquis Tribunalis Jurisdictioni obnoxiae sint, à plerisque Incolis, ut plu-

rimū, cognoscantur; facile autem fieri potest, ut aliquis pro legitime proviso habeatur, qui vitiose inficitur ejus Provisionem nullam facientibus, atque si sui Muneris exercitum liberum habere existimat, cuius facultates ligantur per occultos defectus.

Observandum in Except. II. ab Hæresi peritam, ipsi non esse locum in Locis, ubi toleratur Hæresis. In Except. III. Excommunicationem Judicis potestem non ligare, nisi denuntiata sit.

Except. IV. sumitur ex eo, quod Judices, qui communem Sententiam ferunt, non sunt concordes. Caput ultim. de Sent. quod laudatur, agit de casu, qui hodie non accidit, eo nempe, quo duo Judices Ordinarii seorsim de eodem negotio discrepantes Sententias proferunt, & tunc Sententia, quæ fayet Reo, aliam vincit, nisi materia ex se favorabilis sit, putā Matrimonii, Dotis, Libertatis, Testamenti alijsve rei simili, vid. GONZALEM in illud. Si unā judicent, vincit Sententia numeri majoris: si Judices Delegati ea æquo dividantur, Delegans æquilibrium tollere debet: si idem accidat inter Arbitros, utraque Sententia est nulla, nisi alter conventum sit in Compromisso.

Except. VI. sumitur ex absentia Partis judicatae. Quæcumque traduntur h̄ic in multis Replicationibus, Duplicationibus &c. ad h̄ac rediguntur, quod, si abundantia justa sit, aut absens non fuerit legitimè citatus, aut legitimū Procuratorem mittere non potuerit, Sententia nulla est; si vero legitimè citatus, noluerit in Jus venire, aut Procuratorem constitue, valet Sententia. Quoad reliqua, repetenda sunt ea, quæ circa Citationem, & Procurationes, dicta sunt.

Observandum est in Except. VII. & VIII. Judicem, qui noscit de Accessorio, vel qui utitur suā potestate adversus eos, qui ipsum Jurisdictionem suam exercentem turbant, Jurisdictionis suæ limites non excedere, quamvis neutrum Caput in ejus Commissione continetur.

Except. IX. Duabus præcedentibus præmitti debuit, quarum continet principium & genus: Et quidem Autor ad eas remittere cogit: hęc fert, Partes posse prorogare Jurisdictionem Judicis Delegati in Res, de quibus ipsius Commissione non loquitur, circa quas sit Arbitrī.

Observandum est in Except. XI. discrimen, quod inter Sententiam Legibus contrariam, & Sententiam contraria Juri Litigantis iisdem Legibus innixo, statuit, à GONZALE tradi, atque exponi in Cap. 1. & 9. de Sent. & Reg. judic. Contemptus expressius Legum, qui reperitur in prima eam proculdubio pejoris conditionis facit, quām secundam, qua potest excusari ex præsumptione, quod Judge arbitratus sit, casum Partis damnate non esse in Legi, adversus quam judicavit. Cū Consuetudo vim Legis habeat, h̄ic sub Legi verbo comprehendī debet. Quod Autor insinuat in Replicatione tertia Juris Canonici, Sanctiones esse Juri Civili præferendas in Causis Clericorum, restringendum est ad eaus, in quibus non agitur de temporali, quod per Jus Civile ordinatur.

Circa Except. XII. observamus, Replicationem ipsius significare, in illā agi de Sententia juri litigantis contraria; iudē enim dicitur, quod post elapsos triginta annos à morte Judicis, adversus illam reclamare non possit gravatus; aliundē videtur, Sententiam Legibus diametraliter oppositam, proutque errorem Juris continentem, perpetuo impugnari posse, posito quod triginta annorum possesso iniqua Sententia adjecta, rem sic posselam acquirat, oportet, ut Possessor Sententia vitium ignoraverit; quia nulla est præscriptio sine bonā fide; praterea numerandi sunt triginta anni præfati à die Sententia, non ab obitu Judicis.

Except. XIII. continet præcipuum XV. & XVI. si causa Sententia sit falsa atque probari possit contrarium enuntiationis ejus, Sententia nulla est, ut patet in Sen-

Sententiis Divortii ob falsa impedimenta latis; undè fit, ut semper admittantur Opponentes, qui eas nullitatis arguunt. Ob hoc principium, nullum declaratur Judicium quodvis, ex falsorum Instrumentorum aut falsarum Depositionum motivo, latum, cum falsitas probata est.

Exceptionis XIV. Replicatio Secunde jungi debuisset Exceptioni, dicendo, Judicium latum adversus Sententiam, quæ rei judicatae vim acquisivit, esse nullum, si litigans hanc rationem objicit. *Cap. 20. de Sent. & Re judic.*

In *Except. XIX.* circa nullitatem Sententiae per fordes latas, landare debuisset *Cap. 1. de Sent. & Re Judic. in 6.* conditum adversus Judices Ecclesiasticos, qui integratatem suam labefactari finunt.

Excep. XXIII. pertinet ad nullitatem Sententiae per Judicem Inferiorem latas, post evocationem factam à Judge Superiori. *Cap. 56. de Appell.* laudatum ad eam fulciri, loquitur de reservatione, quæ sibi INNOCENTIUS III. attribuerat Collationem Cancellariae Ecclesiae Mediolanensis, ad se devolutam, ob negligentiam Archiepiscoporum; & docet, ad affleverandam hanc Collationem, Pontificem sibi reservasse notionem eorum, quæ ad illam pertinebant: proinde nihil in illa evocatione odiosum erat, quippe quæ facta erat solum ad conservationem Jurium Evocantis, aliquie Judices, qui de controversia statuere possent, prater Commissarios Pontificis, non extabant. Textus hic non est omnium vetustissimus circa evocationem Caustrum à Pontifice; *Cap. 4. ut lite pendente, nihil innovetur*, de cā loquitur, conditum à CÆLESTINO III. Prædecessore INNOCENTII III. Porro, negotium illud Pontificis notio ne dignum erat, quippe Romæ ortum, varieque à Senatoribus, atque à Judicibus Capitoliniis decisum. Vid. *Cujac. in hoc Caput*, ibi dicit, nullum esse Textum, qui de intricatore negotio loquatur. Horum Textuum Prior afferit, evocationem fortius alstringere, quam Appellationem.

Excep. XXIV. & XXV. desumuntur ex eo, quod Sententia sit lata post Appellationem aut ejus æquipollens, nempe implorationem protectionis Superioris erga negotium litigiosum. Posteriori hoc remedium adversus Sententiam sic restringi debet, quia nihil operaretur, si de protectione generali accipiatur.

Excep. XXVI. est prima earum, quæ pertinent ad suspensionem effectus Sententiae, per Appellationem ab ipsâ. Circa hanc Autor iterat quod suprà dixit de conditionibus requisitis, ut valida sit, licet illuc remittere fatus fuisset. Jungendo Exceptionem hanc & Sequentem præcedentibus, percipitur, Appellationem expressam, aut tacitam variè operari, prout procedit aut sequitur Sententiam, quam primo Casu antihilat, secundo suspendit duntaxat, & ad Judicem Superiorum transfert, ab eo deinceps, prout Jus postulabit, infirmandam aut confirmandam.

Observandum est circa *Except. XXVII.* iter ad Romanum suscepimus Sententiam immediate sequens, esse genus Appellationis hodiè obsoletum.

Excep. XXVIII. pertinet ad implorationem Autoritatis Superioris, vel per viam Supplicationis, aut Libelli Civilis, aut per viam restitutionis in integrum, vel per viam Syndicatus, aut instigationis, quæ spectat ad Sententias per fordes latas. Hæc Implorationum genera commemorantur à CANISIO Lib. IV. Tit. XVI. XVII. ejus Summa.

Hoc in loco debuisset Author conferre Sententiam Diffinitivam cum Interlocutori, earumque communia aut peculiaria annotare, vel saltem præcipue discrimina colligere, quæ sunt i. Interlocutoriam ferri inter initium & finem litis: Appellantem expонere debere Appellationis suæ rationem apud Judicem, à quo appellat: Judicem posse Sententiam suam revocare: necessarium non esse, ut Appellatio Scriptis tradatur, nisi ad Pontificem lata fuerit.

OBSERVATIONES in CAPUT XX. circa Executionem Rei judicatae, Impensis litis, Salaria Judicium atque Ministeriorum &c.

Quinque REGULÆ Partis I. bona sunt, sed quædam Exceptiones expositione indigent; nam i. *Prima Exceptio Regule I.* videtur falsa, si producatur ad Casum, in quibus iniurias Sententiae manifesta est, talive, ut eam Executor constantem existimet; hoc ostensum fuit in Tractatu de *Judiciis*. Ratio est, quod tunc Executor ex eorum numero esset, qui consentiunt malo, dum obtemperaret Justissimi iusta. *Quinta* idem argumentum respicit, viamque suggerit, quæ talis execu^{tio} eo in Casu vitari posst.

Quod assuritur in fine Regula, locum habet solum in Jure Canonico; nam, juxta *Jus Civile*, Executor cognoscit de nullitate Sententiae ex dolo proveniente. Hoc in *Cap. 5.* ab Autore laudatum traditur, à CUJACIO, qui observat, Pontificem ibi *Jus Novum* consti^ttuere, remittendo ad Delegantem notionem hujus nullitatis, quod significatur per haec verba, *de cetero*.

Quod dicitur in *Regula II.* Judicem Delegatum per se ipsum exequi posse, locum habet, non solum, priusquam executionem Ordinario mandaverit, sed etiam postea, posito quod Ordinarius aut recusat, aut nequeat exequi.

Quod adjicitur, hujus executionis onus Ordinario imponi à Lege, obtinet, sive ipso judicaverit, sive Sententia lata fuerit ab eo, qui jus exequendi non habet, quales sunt Arbitri, aut Judices dati, qui meram notionem habent; quia carent Jurisdictione, quæ necessaria est ad cognoscendum. Vid. *GONZALEM in Cap. 7. & 9. de Offic. Jud. Deleg.* fusius hæc disputantem.

Duae Exceptiones *Regula III.* Sententias Interlocutorias solum respiciunt; nempe eas, quibus præcipitur, vel Absolutio ad *Caualam* ab Excommunicatione, vel Restitutio Spoliati; quod autem per ejusmodi Sententias definitur, Rei judicatae nomen non meretur, quod non convenit propriè nisi Rei per Sententiam Definitivam decisæ. *Regula IV.* pertinet ad tempus quadrimestre Parti damnatae datum, ad executionem judicati, & facultatem Judici concessam tempus prorogandi, aut abbreviandi, prout requirent Circumstantia. Dilatio hæc est Beneficium Juris, quod temporari debet secundum exigentiam. *Cap. 15. de Sent. & Re Judic.* locum habet solum in Actione Personali: quoad Realem, *Jus nullum prescribit tempus*; sed cum possessor damnatus statim possessione cedere nequit, tempus ad hoc necessarium postulare potest. Autor hunc Casum neglexit: omisit etiam monere, *Cap. 15.* laudatum extendere ad Purgationem Canonica id, quod circa solutionem docet; nempe, eum, qui damnatur ad præstandam Purgationem intra viginti aut trigesita dies, quiq[ue] spatio huic se subjicit, omitendo Appellationem intra decem dies Sententia proximos, non magis admitti, si postea conqueratur de brevitate termini, quam Debitorum, qui damnatus ad solvendum infra eundem diem, per decem dies obtinuerit.

Quod dicit in *Tribus Regulis* circa Expensas, contrahi potest in *Unicam* nempe: quemcumque, qui culpâ suâ ad sumptus faciendo Adversarium suum cogit, ad restituendas expensas damnari debere. Indemnitas hæc debetur in Foro interiori, etiam ante damnationem. Regula circa salarium Judicium, & Officialium eorum, indicant solum Textus de eo loquentes. Sola *Prima*, propriè loquendo, Judices attingit; *Secunda*, quæ loquitur de Taxâ Litterarum Cancellariae, pertinet ad *Officiales* eorum.

OBSER.